

أنتظر تفتل صلاتج وأرد أسولف لـج يخيّه  
نار لبقاببي چوتتي وما أحد يطفئها ليّيه  
غيرچ أنتي يا العقيلة إنتي لموصّاة بيّيه

**كلثوم وش عندچ بعد جيت أهج بوقت الورد خبريني مو قلبي انمرد**  
**شاب راسي شنهي نيّتكم عليّيه**  
درب الرُعب يا بت علي اتخطيته حقي لحيدر لو قُمت ناديته  
**أدرکنا يا حيدر بيدينا نتستر**

بالأمس ظعن الفواطم زود أبو فاضل يكفله  
ونور وجه حسين يضوي وطفلة تلعب ويه طفله  
ساعة وتغير وضعنا تبدات عزتنا ذلة  
أتمنى أكونن واهمة عذريني لن ما فاهمة أنه بعلم لو حالمة  
توّهت صبري شلون أدله  
يا ريته يرجع بي الزمن يا ريته حقي لحيدر لو قُمت ناديته  
أدرکنا يا حيدر بيدينا نتستر

**هاي غدرات لقدار او هالقدر لا بُد نطيعه**  
**جار بيّيه وأنه زينب وأمي الزهرا الوديعه**  
**حطي ايدچ فوق قلبي وسمعي دگاته السريعه**  
يوخيتي هم عندچ علم من فرّت أسراب اليتم أركض ورد وأرجع ألم  
ضعنا بعد حسين ضعيه  
عبّاس ما تفزع إلي نخّيته من حقي حيدر لو قُمت ناديته  
أدرکنا يا حيدر بيدينا نتستر

بعيني شفت اصغيرة تشكّف بيديها الرجس المُعادي  
هِمَّت يَمّه وكتله ارفع ايدك انشأت ليادي  
إجت يَمّي واحظنتني والدمع بالعين بادي  
ما بطلت ظلّت تون مو عَجَبَة يا خيّه لأن مخرومة من عدها الأذن  
والدليل امن الفرع والهلع صادي  
چم ظالم بصوت القهر صدّيته من حقي حيدر لو قُمت ناديته  
أدرکنا يا حيدر بيدينا نتستر

صراخ أيتام وأرامل صرت أنا المسؤولة عنها  
طفلة متعلّقة بعباتي وأم تسایل وين ابنها  
وعن عزيزة أبو اليمّه بالفجيرة شلون فنها  
قلب الرباب اشيقته عدها الطفل متربّعه ميت تريدن ترضعه  
تبتسم له تريد يرضع من لبنها  
هالموقف الراسي بعشر صكّيته حقي لحيدر لو قُمت ناديته  
أدرکنا يا حيدر بيدينا نتستر

هناك ليلي تهل دمعها يم جسد شكله تغيّر  
مشهده حيّر أفكاري من كثر ما نوره يزهر  
هذا المقطّع محمّد لو جسد ضنوها لكبر  
تأمله بهمس اتحّبي تعبانة من كثر البچي تگلّه عليمن أتچي  
يا ورق أخضر خريفك غاله وصفر  
حزام الصبر عياني من شدّيته من حقي حيدر لو قُمت ناديته  
أدرکنا يا حيدر بيدينا نتستر

جثة ما بين الظلام تلوح بأطراف المُخيم  
غسلتها دموع رملة ويمها مخطوبة الجاسم  
بالأمس (تظفر جعوده) وهسا تبجي بليل مظلم  
اتزيح الدما عن حنّته من لهب جمرة خيمته تشعل بقايا شمعته  
والنبال انثار عرسه والعطر دم  
كل شهگه من عدها ونفس حسيته من حقي حيدر لو قمت ناديته  
أدرکنا يا حيدر بيدينا نتستر

ما بين ما أجمع أطفالج هدّت أركاني يتيمة  
بيدها الماي وتساييل وين لمظلل حريمه  
ليش مات حسين ظامي ابغربة يا عظم الجريمة  
تگلي قبل فصل السبي دليني تل الزينبي بصعد أنادي يا أبي  
هذا ماي العذب دشرب من نعيمه  
موقف يمر اعليه ما ظنّيته من حقي حيدر لو قمت ناديته  
أدرکنا يا حيدر بيدينا نتستر

مثل هالموقف جرى لي بكل براءة طفل جاني  
القدح بيده ايتمايل تفيض من وجهه المعاني  
يقول خبري عمي يرجع أنه أنتظره تراني  
باقاسم الماي العذب عمي لأن چبده انعطب متأكد أنه ما شرب  
سلبو أمي وضربوا أختي وللسا للعباس أتاني  
وهذا حالي والجرى لي  
شفت فارس لاح إليه يگلي بينيتي اشبديّه  
وهذا حالي والجرى لي

من النجف جيت القصد أحرصكم بهذا البر  
ودّي أضمّج بالصدر مشتاق بس ما أقدر  
وياكم الليلة اولچن وجه الصبح لو أسفر  
يعني استعدي للسبي وتكفلي هالخدّر  
لمقدّر اهوايه صعب هتاك وسبي لمقدّر  
صبري لجل دين النبي واتحملي أهل الشر

**صعبة أدري لا يعمري**  
**وانتي بين الناصبية حاتج تصعب عليه**  
**صعبة أدري لا يعمري**

أنخاك من وكت الظهر وللسا أصيحن حيدر  
يا بويه چنّك طولت وانتة اللي ما تتأخر  
ساعدني باهضني الهضم ما بيّه أصبر أكثر  
بشكي لك الأصار وجرى من وقع ابنك بالحر

**خلني أشرح قصة تجرح**  
**عن حسين ابن الشفية تجرّع اشلون المنية**  
**خلني أشرح قصة تجرح**

لا تشرحي لي اللي حصل موجود وعيني تنظر  
هالفجعة حاضرها النبي وأمّ الضلع لمكسّر  
هبر أوداجي ابن الدعي لحسين لمن هبر  
كل ضربة تعدل طبرتي لا ما أبالغ وأكثر  
أتعفر بطف كربلا كل ما حبيبي اتعفر  
وصوت الملايك بالاسما باسم الإله اتكبّر  
لو شفتي دمعات النبي قلبچ فلا يتصبر  
مخطوف لونه ومنذهل محروق جفنه المّحمر  
وأما البتولة الطاهرة منها الصخر يتفطر  
تصبغ شعرها أمّ الحزن بخضاب دمّ المنحر  
حفظت قميصه المنخسف منّ السيوف اموذر  
شاهد يصيرن للخلق يوم الوعد بالمحشر